

M080: Rheinauer Gebete

1r,1 do ir daz eiter an der hant hata vnd er imo fil
 1r,2 sere forhta . Ih manon diu sovze herro daz dv
 1r,3 [..][..] der selbe got bist der dv ouh do ware
 1r,4 do dv wandelotost daz freissa- eit- in den sovzen
 1r,5 smac also firwandle mih eit-gun scelkin
 1r,6 vnde mih blovtigu- sundaru- vnde mih stinkintun
 1r,7 in die sovzi dinir tvgindon . herro firnim
 1r,8 min riwa also dv firname den scakare
 1r,9 do ir nebin dir hangita an siner ivngistv-
 1r,10 riwa . Herro firnim mih firbordinun sundaru-
 1r,11 also dv firname den ofin sundare dauiden .
 1r,12 herro firnim mih liehtilosun also dv firname
 1r,13 den blinden der da rief "herre dauides sun
 1r,14 gnade mir ." vnde intlivhte die blintenisside mis
 1r,15 herze- also dv intluhtost siniv ougin . Herro
 1r,16 intov vf div orin mis herzen also dv vf tate
 1r,17 div orin der tovbon . herro gereine die unsuferi
 1r,18 mis herzen also dv gireindost die miselsuhtigen .
 1r,19 Herro girihte die krunbi mis
 1r,20 herzen also dv girihtost die halzen vn die
 1r,21 lam- . Herro ginere die vngisuntheit mis
 1r,22 herze- also dv irnertost die hvngirsuhtige- .
 1r,23 Herro intslovz min munt ze dien warhafte-
 1r,24 kosen also dv intsluze den munt der stumme- .

1v,1 Herro firnim min amirlikun stimma . also
 1v,2 du firname Mariv- vnde Marthv- vbir ir toten
 1v,3 brovder . herro irkike mih fon allen vnreinen
 1v,4 gidanken also dv irkihtost den toten in dem
 1v,5 hus . Herro irkike mih fon allen vbilen worten-
 1v,6 also dv irkihtost den tote- vnder der porta . herro
 1v,7 irkike mih fon allen vbilen werke- also
 1v,8 dv irkihtost den tote- fon dem grabe . Herro
 1v,9 firnim min eifirlikun trane dvr die lieben
 1v,10 trane die dv lieze do dv lazarus . irkihtost
 1v,11 vnde vmbe die zirstorde ierl-mis . Herro firnim
 1v,12 min leitlikun stimma also dv firname
 1v,13 susannu- do si irteilt wart ze deme tode . herro

1v,14 irkike mih fon allen mine- sundon alse
 1v,15 dv irkihtost die zungun danielis . Herro
 1v,16 firnim min wovfindun stimma alse dv firname
 1v,17 tobias- vnde saru- . herro firnim den rovft
 1v,18 mis herzen alse dv firname daz rovfinde
 1v,19 herze MOyses do ir niewit ni sprah . herro
 1v,20 firnim min andahti alse dv firname die
 1v,21 andaht MARIV- magdalenvn do si din foze
 1v,22 twovc mit ir tranin . Herro firnim mih sundigun
 1v,23 rovfaru- alse dv firname daz heidenisce
 1v,24 wib der dv ir tochter for dem tiefile irnertost

2r,1 alse firtrib ouh dv fon mime herzen die
 2r,2 akuste des leiden tiefiles . herro lakino min
 2r,3 herze fon der vbilun siehheit alse dv die sieken
 2r,4 giheiltost . Herro heile mih dur die
 2r,5 heili die dv uns gabe an dem heren cruce .
 2r,6 Unde heile uns herro dvr die heili die dv gabe
 2r,7 dem sieken wibe div sih firborgino an din
 2r,8 giwant rovrt . Vn dvr die heili die dv tate
 2r,9 dem beterisen der selbe sin bete inweg truoc
 2r,10 vnde dur daz wazzire da daz liebe holz inne
 2r,11 lac vn dvr alle die gnade die dv ie iemenne
 2r,12 gitate dem is turft was . Ih manon diu vnde
 2r,13 lobon diu der minne der dv mir sceindost do
 2r,14 dv mih giscovfe na din selbis bilde vnde dv mir
 2r,15 dinen geist in bliese vn dv mih na dir selbemo
 2r,16 hieze . Gihuge herro dur waz dv daz
 2r,17 tatist vnde bihalt iz an mir vnz zov minir
 2r,18 hineferte . Herro ih manon diu daz dv komen
 2r,19 woltost vn du giborn woltost werden
 2r,20 vnde arm woltost sin vnde dv die mennisceit
 2r,21 an diu name vnde irhuge dvr waz dv daz
 2r,22 tatist . herro bihalt iz an mir vnz ze minem
 2r,23 ende . Herro nu kum ih fil armu sundara
 2r,24 ze dine- gnadon vnde chlagon dir [...][...]

2v,1 [...][...] min fleis in din irbarmiclikun gnade daz
 2v,2 ferfellet mih fil manige wis fon dinen hulden .
 2v,3 [...][...] dem ni mac ih mih gisezen luzil noh
 2v,4 filo wan also ferre so mir dine gnade hilfit .
 2v,5 Nu ih mih abir fon imo ni mac giverre- da
 2v,6 sovke ih abir dine gnade vnde manon diu ouh
 2v,7 des starken vn des govten der da ist vnde was
 2v,8 alliz daz ir wil alde wolte . Ih manon diu
 2v,9 herro daz diu in angist brahta daz reine fleis
 2v,10 daz da nie gisundota . Sit daz also ist so bit ih
 2v,11 diu herro daz dv gnadich sist der armun diu

2v,12 da kreftilos ist allir tvgindon vnde allir govtin
 2v,13 vnde solt fil wol gidenke- daz die fil lihte
 2v,14 mac vbirwinden daz vnreine fleis daz da
 2v,15 dvrfloze- ist der sundon vn der acuston . Herro
 2v,16 daz bin ih armiv sundara da vbir bignade
 2v,17 mih dvr die govte- gnade die dv demo tate
 2v,18 der sih firborgin hata hinder die ture for
 2v,19 sine- sundon vnde ir dir rief . "herro gnade mir
 2v,20 armen sundare ." Ih manon dih vnde lobon
 2v,21 dih daz ih fil gerne ware reinra vnde kuscera
 2v,22 dvr dine minna vnde dvr din era vn dvr dinir
 2v,23 sozzun movt- willen . Nv ni mac ih e denne
 2v,24 daz mir iz givet der gitruwo vn der mahtigo

3r,1 der mir ouh den gilust vn den wille- gab
 3r,2 daz ih iz gerne tate vbe ih mahti . da ih
 3r,3 nu ni mac da manon ih dih herro dinir tougeni
 3r,4 vnde manon dih ouh der dinir iungiron
 3r,5 die mit dir azen vnde trunken vnde dih
 3r,6 sahen vnde horton vnde in dine wnde grifen .
 3r,7 Ih manon dih iz minne herro daz siv des allis
 3r,8 niet ginuzen daz siv warin durnohtic
 3r,9 e siv do wrden irfullit vnde gisterkit fon dime
 3r,10 heiligen geiste als imo kit ir vndank .
 3r,11 herro wie solti ih fil armiv sundare ih
 3r,12 da bin div dih leido nie gisah noh gihorta
 3r,13 vn div da ist daz folle faz der akuston wie
 3r,14 solti ih denne iemer dehein tugint giwinnen
 3r,15 alde dehein govt fur bringen . Herro dv
 3r,16 ne gebest mir s herro iz ni mac niet sin noh
 3r,17 sol niet sin des irhuge dur din faterliken
 3r,18 namen vnde in movte niewites fone mir wan
 3r,19 des tv mir gigebe- habist . Ih manon dih herro
 3r,20 daz ih mih gilih dunko dem fogile der in
 3r,21 dem neste lit bloz vnde blint . der ne mac tovn
 3r,22 niet fil mera wan ir ginet ingagin sime
 3r,23 gitruwen wenne ir imo daz as bringet . Herro
 3r,24 also tovn ih ingagen dine- gnadon . Ih bin

3v,1 bloz der tugindon vnde bin blint in die
 3v,2 sundon . herro daz bovzit mir niemen
 3v,3 iz ni tovge der kreftigo vn der giwaltigo
 3v,4 fon dem himile . dem ih des gitruwen .
 3v,5 Herro in dine- gnadon ie [...] [...] zil ih vnde d .
 3v,6 [...] [...] in dem giluste vnde in dem willen daz ih
 3v,7 dih fil gerne wolte minnon in der fat'liku-
 3v,8 sovzi swenne so dv z an mir maken wilt .
 3v,9 herro da mite warten ih hungirliko ingagin

3v,10 dinen gnadon wenne dv mih asest mit
 3v,11 govten werken vnde mit ter sibinfaltigun gifte
 3v,12 des heilige- geistes . Herro nu kum ih
 3v,13 armiv svndara ze dinen gnadon mit der sundigun
 3v,14 burdi mit ter vbilvn wrzun der sundon
 3v,15 vn der gistungide der akuston daz dv mir
 3v,16 si abe nemest wande dv der starko vn der govte
 3v,17 bist . Des bit ih dih irbarmeherze herro .
 3v,18 dvr die liebun bvrđi die dv trovge do dv din
 3v,19 cruce vfin dih name dar ane dv mih losin
 3v,20 woltost . dvr des wegis era den dv gienge in
 3v,21 den fat'liken willen so fovre mih an einen
 3v,22 wec der dir gizeme . Ih manon dih herro
 3v,23 daz dv firraten vnde gifangen wrde vnde
 3v,24 dv biscolten vnde bispotot wrde vnde ane

4r,1 [...] [...]

4r,2 [...] [...]

4r,3 [...] [...]

4r,4 din edelen ougen [...] [...]

4r,5 div heren be...st miner [...]don[...]

4r,6 vnde in [...] [...] mi [...] [...] dur die gidult

4r,7 so dv hatost so gib mir dine gidvlt [...] [...]

4r,8 Ih manon dih herro daz imo slovc vfin [...]ren[...]

4r,9 hals herro dvr den slac so irslah an mir

4r,10 daz unreht . Ih manon dih herro daz dv gibenkit

4r,11 vnde genegilit wrde an daz heilige

4r,12 cruce vn dv dar ane firkale vnde bikortost

4r,13 des grimmen todes . herro dvr den tot so irsterbe

4r,14 an mir die lebeliken sunde wande

4r,15 dv da heizes der tot des todes . Ih manon dih

4r,16 herro daz dv dine- fat- riefte do dv kale an

4r,17 dem heren cruce . Herro dvr die serfun not

4r,18 vn dvr den sercliken rovft so firnim mih armun

4r,19 ellendvn wan [...] [...] uzir der

4r,20 grozun freisa mis unrehtes da ih inne

4r,21 bin . Ih manon dih trutherro daz dv bifvle

4r,22 din trutmovt- an dem cruce dem suzen

4r,23 ioh-e in daz selbe gid...e [...] [...] ih dir

4r,24 min sela vnde min lib ...a vnde

4v,1 [...] [...]

4v,2 [...] [...]

4v,3 [...] [...]

4v,4 [...] [...] e [...] [...] herro daz

4v,5 [...] [...] Nu bit ih dih min

4v,6 herro dvr div [...] [...] wa [...] [...] da mite dv firkale

4v,7 an dem heren cruce daz dv mih ginerest

4v,8 als ih dir gizeme in dinir scara . Nv
4v,9 bit ih diu sovze herro dvr daz reine giwant .
4v,10 daz diu in want do dv fon dem cruce ginomen
4v,11 wrde daz dv mih an watest mit der sibenfaltigun
4v,12 giba dis heiligen geistes als ih dir
4v,13 gizeme in dinen ingiside . Ih manon diu rike
4v,14 herro daz dv bigrabin woltost werden nu irbarme
4v,15 diu mis trurodis dvr allen den trurot
4v,16 der do ware in himile vnde in erda do dv bigrabin
4v,17 wrde . Ih manon diu himilsce herro daz
4v,18 dv zov der hella fovre vnde dv mih dannan vz
4v,19 name [...]a[...] nie wande
4v,20 dv da heizist der biz der hella . Nv bit ih diu
4v,21 milte herro dvr alle die frode diu der do wrde
4v,22 in himile vnde in erda do dv irstovnde vnde dvr die
4v,23 frode herro [...] d.. dv mih irfrowest mit
4v,24 dinir [...] d.. gitruwen . Nv bit [...] [...]